

HIERONYMUS.

¹ CADES, ubi fons est judicii, & Cadesbarne in deserto quæ conjungitur civitati Petre in Arabia, ibi occubuit Maria: & Moyses rupe percussa aquam sitienti populo dedit. Monstratur ibidem usque in præsentem diem sepulchrum Mariæ; sed & Principes Amalech ibi à Chodorlahomor cæsi sunt.

ΕΥΣΕΒΙΟΣ.

Κάδδης βαρνή, ἔρημος ἢ παρατεί-
νισσα Πέτρα πόλις τῆς Παλαιστίνης,
ἐνθα ἀναβάσα ἐτελεύτησε Μαριάμ,
καὶ Μωϋσῆς διαστὰς παῖει τὴν πέτραν,
καὶ ὕδωρ παρέχει διψῶντι τῷ λαῷ.
καὶ δέικνυται εἰς ἔτι νῦν τὸ μνημα τῆς
Μαρίας αὐτόθι, ἐνθα καὶ τοὺς ἀρχον-
τας Ἀμαλὴκ κατέκοψε Χοδολαγό-
μωρ.

EUSEBIUS.

CADDES BARNE, desertum quod extenditur usque Petram urbem Palæstinæ, quo cum ascendisset Maria mortua est, & Moyses postquam secessisset, percutit petram, & aquam præbet sitienti populo. Ostenditur etiam hodie monumētum Mariæ ibidem, ubi principes Amalec cecidit Chodolagomor.

² CADES, civitas, quam cepit Jesus rege ipsius interfecto: est autem in sorte tribus Judæ.

Κάδδης, ἐνθα ἡ πηγὴ τῆς κρί-
σεως.

CADDES, ubi fons judicii.

CADES BARNE. Vide CADES primum, & suprā BARNE.

³ CADOMI, torrens juxta quem Debbora bellum gessit.

Κάδης, πόλις ἣν εἶλεν Ἰησοῦς τὸν
Βασιλέα αὐτῆς ἀνελών, ἡ γέγονε φυλὴς
Ἰούδα.

CADES, civitas quam cepit Jesus, rege ipsius interfecto, quæ fuit tribus Judæ.

CÆSAREIA, quæ antea Stratonis turris appellabatur, sita ad mare Occidentale inter Doram & Joppen, maxima civitatum Judææ, teste Josepho l. 3. Belli c. 14. Hanc urbem vetustate ferè collapsam reparavit Herodes Ascalonita, muris, turribus, regia, theatro, amphitheatro, portu commodo instruxit, & in honorem Cæsaris Cæsaream appellavit. Vide Josephum l. 1. Belli c. 16.

CÆSAREIA PHILIPPI, quæ Dan antea appellabatur, & postea Paneas appellata est, sita juxta Jordanis fontes non procul monte Libano; id autem nomen accepit à Philippo tetrarcha Iturææ & Trachonitidis, cum in ea tetrarchiæ suæ sedem posuisset, eamque restauratam variis structuris exornasset: & Cæsaream quidem in honorem Tiberii Cæsaris; Cæsaream autem Philippi ad nomen suum immortalitati consecrandum appellari voluit.

CALANO. Vide infra CHALAUNE.

CALVARIÆ mons. Vide GOLGOTHA.

CALUMNIA, putei ab Isaaco effossi nomen. Gen. xxvi. vs. 20.

CAMERA PASTORUM. Vide BETHACAD.

⁴ CAMON, civitas in qua sepultus est Jair cum primum judicasset populum Israël. Appellatur autem hodie vicus Cimana in campo latissimo sex milibus à Legionem, ad Septentrionalem plagam pergentibus Ptolemaidem.

Καμών, πόλις Ἰαίρ, ἐνθα ἐτά-
φη κρίνας τὸν Ἰσραὴλ, καὶ ἔστι νῦν
Καμμωνὰ κώμη ἐν τῷ μεγάλῳ πεδίῳ,
ἀπέχουσα Λεγεῶνος 5' ἐν βορείοις ἀπι-
όντων εἰς Πτολεμαίδα.

CAMON, civitas Jair, in qua sepultus est, cum judicasset Israël, estque modò & Cammona vicus in magno campo, distans Legeone milliaribus sex in parte septentrionali pergentibus Ptolemaidem.

CAMPESTRIA DESERTI. Vide CAMPESTRIA JERICHO proximè.

CAMPESTRIA JERICHO. Horum fit mentio Josue iv. & v. alibi *Campestris deserti* appellantur, 2 Reg. xv. & xvii. alibi rursum *planities Jericho* dicuntur, 4 Reg. xxv. vs. 5. Hierem. xxxix. vs. 5. *Solitudo Jericho*. Solitudo erat, quæ interjacebat, totumque ferè spatium occupabat, quod erat ab Jerusalem in Jericho; de qua & Josephus lib. 5. Ant. c. 4. in fine, ubi de Jerichunte loquens ait: *Totum habet ab Hierosoly-*

NOTÆ.

1. Videtur hic Hieronymus confundere *Cades* & *Cadesbarne*, nonnullique alii confundunt: Et verò subinde *Cadesbarne* in Scriptura solo nomine *Cades* appellatur: nihilominus *Cades*, ubi fuit fons judicii, seu aqua contradictionis, de qua agitur Num. 20. fuisse diversam à *Cadesbarne* mihi non dubium est. *Cadesbarne* enim erat in deserto Pharan juxta Amalecitas & Amorrhæos in extremis finibus totius Judææ ad Austrum, ut è Num. 34. v. 4. & Jos. 15. v. 3. colligitur. Sic ut Idumæos haberet sibi ad Orientem: at *Cades* altera, ubi aqua fuit contradictionis, & Maria soror Moyfi occubuit, fuit in deserto Sin, Num. 21. v. 1. ad Orientem ipsis Idumæis, à Septentrione habens Moabitæ. De hac eadem *Cades* intellige quod hic dicit de principibus *Amalec*, disertè enim Scriptura Gen. 14. v. 7. loquitur de *Cades* in qua erat fons Mispah, seu judicii. Verum ibi Gen. 14. dicitur percussa à Chodorlahomor tota regio Amalecitarum, quæ non potest dici percussa in *Cades*, cum ibi non habitarent Amaleciti, sed cum Chodorlahomor & reges socii essent in situ ut venirent in *Cades*. Significat hæc vox sanctitatem. Vide Commentarios nostros ad Num. 20. v. 13. BONFRERIUS.

2. Gemina fuit in Terra Promissæ *Cades*, una in tribu Judæ, cuius fit mentio Jos. 15. v. 23. altera in tribu Nephthali priore multo celebrior in Scriptura, quæ vel *Cades*, vel *Cades* appellatur; in Hebræo verò nulla in harum urbium nominibus est distinctio. Ex quibus merito dubitari potest an ille rex *Cades* à Josue cæsus, Jos. 12. v. 22. regnarit in *Cades* tribus Judæ, an verò in *Cades* tribus Nephthali; ego

sanè in hoc posterius inclino, propterea quod *Cades* tribus Judæ nullius videatur fuisse nominis. De hujus nominis significatione dictum est in voce *Cades* præcedenti. IDEM.

3. Corrupta videtur hæc vox, hoc loco, pro qua in Hebræo קדומים *kedumim*, in versione nostra *Cadumim*, in versione Septuaginta Interpretum *καδμωϊν*, vel *καδμωϊν* legitur, Judic. 5. v. 21. nisi quod Romanus Codex habeat *καδμωϊν* ἀρχαίων, *torrens antiquorum*. Dicimus autem ad eum locum torrentem *Cadumim* non alium esse à torrente Cifon, cujus nominis rationem etiam nos ibi investigamus. IDEM.

4. Ista CAMON, in qua sepultus est Jair, videretur potius collocanda in Galaaditica regione, cum ipse esset Galaadites, quod fecit Adrichomius, atque adeo ad Orientalem plagam Legeonis, quæ non multum distabat à monte Thabor, de qua & nos suo loco. Si qua autem sit *Camon* in magno Galilææ campo cis Jordanem, inter Legeonem & Ptolemaidem, quod hic ab Eusebio seu Hieronymo dicitur, haud dubiè diversa est ab illa *Camon*, in qua Jair Judex sepultus est. Jud. 10. v. 5. IDEM.

5. Παλαιστίνη] Constat *Petram* fuisse non Palæstinæ, sed Arabiæ urbem. Vide vocem *Petra*, suo loco. Itaque hoc fuerit mendum officiantis librarii, notior enim hæc fuit urbs, quam ut situs ejus *Eusebio* ignotus esset. Scripserit ergo Ἀραβίας, ut legisse videtur *Hieronymus*. Vide quæ habet infra *Eusebius* in *Πετρα*, quæ eadem cum *Petra*, ubi hanc urbem in Arabia collocat. CLERICUS.

1. Et